

A so velnio rēks draugautē?

Seima narē muok gīventē,
Vēsū negandū išvengtē:
Isikoustē valstībēs papa –
Ē torietēis ligi kapa.

Mes, valstietē, sosētēkē
Laužuom galvas, kāp išlēktē,
Vaikelius kāp ožaugintē
Ē nu skorda atsēgintē.

Darba torem ligi suotēs –
Tik darboukēs, tiktā sokēs.
Traktuoriou solūža guolis.
Prekēs – artēi, litā – tuolēi...

Sērga karvė, trėidė veršis...
Dėrža stėpriau veržkės, veržkės...
Viel litelė išretiejė –
Daktars dontū nebsodiejė.

„Sapard“ auksa mums žadiejė,
Tik pajimtė negaliejuom.
A to mondros, a to kvails –
Skėsti kāp „Titanik“ laivs.

Mesio šakės aš po velnė,
Apsėvėlksio kėtuom kelniem.
Kas galietom moni smerktė,
Je nueitiuo šnapšės gertė?